



Inatsisartunut ilaasortaq Hr. Jens B. Frederiksen  
/MAANI

01.28/2008-3  
/ 64.20/08  
29. januar 2008  
Postboks 269  
3900 Nuuk  
Oq/tel +299 34 50 00  
Fax +299 32 47 04  
aapip@gh.gl  
www.nanoq.gl

**Naalakkersuisunut 2008-mi raajartassanut TAC annertussusilerneranut apeqquteqaat**

Naalakkersuisoqarfimma 17. januar 2008 Naalakkersuisut 2008-imi raajanut TAC pillugu aalajangiisimanerannut apeqquteqaatitit tiguai.

1. Naalakkersuisut TAC-p annertussusaata 5 %-iinnarmik appaanissamik aalajangerneranut suna tunngavigineqarpa?

Naalakkersuisut naliliisimapput suliffissaqartitsiniarnermut kiisalu inuiaqatigiit aningaasaqarniarnerannut pitsaanerpaassasoq raajanut pisassat kigaatsumik ukiumut 5 %-imik appariartuaartikkaanni appaanissamut innersuussutigineqartup angunissaata tungaanut.

2. Naalakkersuisut biologit innersuussutigisaannut malinninnissamut akuersisinnaanginnerannut tunngatillugu innersuutigisat iluanni sorpiaat Naalakkersuisut akuersisinnaanginnerannut pissutaatinneqarpat?

Biologit innersuussutigisaasa iluanni Naalakkersuisut akuersisinnaanginnerannut pissutaasinnaasumik soqanngilaq. Naalakkersuisulli aalajangersimapput biologit innersuussutigisaannit pissutsit allat pingaartinne-russallugit.

3. Aalisarnermi Siunnersuisoqatigiit innersuutaannut Naalakkersuisut akuersisinnaanginnerannut Aalisarnermi Siunnersuisoqatigiit siunnersuutaanni sorpiaat Naalakkersuisut akuersisinnaanginnerannut pissutaatinneqarpat?

Aalisarneq pillugu siunnersuisoqatigiit innersuussutigisaasa iluanni Naalakkersuisut akuersisinnaanginnerannut pissutaasinnaasumik soqanngilaq. Naalakkersuisut naliliisimapput raajat pisassat kigaatsumik 5 %-imik appartikkiartuaaraanni pitsaanerpaassasoq suliffissaqartitsiniarneq kiisalu inuiaqatigiit aningaasaqarniarnerat eqqarsaatigissagaanni.

4. TAC-p annertussusaata 5%-iinnarmik appartinneqarnera Naalakkersuisut ernumanartoqartutut isiginnginnerlugu, tassami aalisarnermut attuumassuteqartut tamarmik TAC annertunerujussuarmik appaavigineqarnissaa innersuutigereermassuk?

Naalakkersuisut naliliisimapput ukiumut 5 %-imik annerusumik appaanis-saq naapertuutinngitsoq tamannalu tunngavigalugu Naalakkersuisut aala-jangersimapput aalisarnermut attuumassuteqartut innersuussutigisaat ma-linniarnagu.

5. Naalakkersuisut isumaqannginnerlutik aalisarnermik inuutissarsiute-qartut issittumi imartani raajat pisat avammut tuniniarnissaat ajornar-torsiuteqarfigilissagaat, tassami pisiniartartut piumasarimmassuk aali-sarneq nungusaataanngitsumik tunngavilimmik ingerlanneqassasoq?

Soorlu oqaatigineqareersoq Naalakkersuisut siunniussimavaat kigaatsu-mik raajanut pisassat appartikkiartuaarneqassasut appaanissamut inner-suussutigineqartup angunissaata tungaanut. Tamanna tunngavigalugu Naalakkersuisut ilimaginngilaat raajat avammut tuniniarnissaat ajornartor-siorfiulissasoq.

Naggasiullugu Naalakkersuisut aalisarneq pillugu Inatsisartut inatsisaanni nr. 18, 31. oktober 1996-imeersumi § 2 innersuussutigissavaat, tassaniami Naalakkersuisut isiginiagassaat allattorneqarsimammata.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalakkersuisoq